

筹办夷务始末

第二函
函十九册

籌辦夷務始末卷之五十三

咸豐十年庚申五月辛亥

諭軍機大臣等。前因夷人於煙臺地方占房蓋屋。疊經諭令文煜嚴禁奸民接濟並交易貨物及沿海民人不可任聽該夷雇募服役。尚未據該撫將辦理情形覆奏。近日朕聞夷人於到煙臺後。將商船之大者悉行奪去。居民商賈遷徙一空。隨至福山縣城內。以修夷館通商為辭。向該知縣索取夫馬。搬運瓦石。知縣等官業已避去。復於廟島長山島修築礮臺數座。府城官屬聞風遠避。該夷即至城內居府署者數日。復回島中。並聞海口地方銀價驟落。及夷人所帶廣勇時出滋擾。土匪亦乘機擄掠。總

兵曾達年署知縣陳壽元並未認真彈壓民心不服各等情夷人盤踞煙臺逗留不去全在地方官設法防範杜其窺伺乃該守令等於夷人任意往來不能攔阻復安望其約束民人斷絕接濟耶府縣官屬紛紛避出尤堪詫異是否果有此事該撫身膺疆寄何竟毫無聞見著即將以上各情據實覆奏嗣後務須派委妥員查探確情隨時具奏勿任蒙蔽至夷人之建造房屋修築礮臺無非挾制通商且恐有截劫漕船勒收商稅諸詭計而海口各處銀價日賤非內地奸商私買洋銀何以至此尤當嚴行禁絕現在和約未定斷難任令於各海口盤踞得以遂其要挾之計著文煜仍遵前旨嚴飭地方官認真查禁居民接濟

食物交易錢貨並受夷人雇募聽其役使儻因目前小利必至受害無窮廣東之事即是前車之鑒須切實開導內地民人庶該夷無可希冀自當廢然思返至地方文武不遵諭旨著即嚴參示懲以儆疲玩並嚴催知府董步雲等迅即設法開導勿令遲延至該撫前奏調派馬隊等兵籌辦防堵應如何不動聲色嚴密設防即著妥為籌畫毋稍疏忽自干重咎

壬子山東巡撫文煜奏竊臣前自夷人攔截漕船以至載來馬匹業將該夷情形五次奏報在案旋又據報該夷載來牛三四十隻上岸牧放又由山上搬取亂石於海岸砌作馬頭又挖地作竈四座上蓋鐵面長寬均約丈餘又駛

來大船二隻。各船均放礮迎接。載來夷兵五百名。又載來
食物箱盒。蓋房木料木架。不計其數。又准登州鎮咨據甯
福營屬之威海汎把總具報。五月初六日申刻。該處到來
輪船一隻。有夷人十餘名。帶同通事周姓。至署聲稱伊係
噶哈喇國。有兵船四五十隻。約兵萬餘。五七日內即到威
海。在城外支搭帳房。安營居住候信。因恐百姓驚慌。故特
令伊先來告知等語。該外委覆以地瘠民貧。不堪居住。該
夷云。營盤一定要安。不過前來告知。明日即須前赴關東。
言畢即上船去訖。又迭據委員署青州府知府董步雲稟
報。該員先於登萊一帶。途次探得該夷所稱孟總統者。現

今實在張姓名張二林即張殿華屋內居住外似占踞而
張二林係奇山所人向來煙臺開設德盛號棧行去年忽
於煙臺山下西面新蓋房屋一所計六十餘間土人咸知
其家道不豐何以有錢蓋房且山下亦非設立行棧之所
人皆詫異乃工作方完而該夷適至爰居爰處儼然賓至
如歸又該夷初到時各鋪戶問其來意該夷聲稱爾等不必驚慌我等不過暫住數日注意祇在天津蕞爾煙臺即
大皇帝准我通商我亦不要而夷情反覆詭詐厥後鑿井添井蓋
房數十間煙臺山以東俱造馬頭又似必非暫住之計且
屢囑各鋪戶搬回照常開張而被擄同來之閩廣人又私

向各鋪云。爾等弗信以為實。我等從前皆為所憑。搬回必致搶擄。惟細察閩廣人言語形貌。定非善類。該府於初八日行抵福山。又探得煙臺街上帳房偏滿。往來皆係夷人。約計八九千名。先因有酒醉滋事者。各鋪約得十餘家。上山見伊頭目控告。內有白夷一人。能說官話。通事二人。一河南陶姓。一浙江楊姓。均稱不要害怕。大將軍在後。尚有馬八百對。二將軍亞蒙先來。祇為去歲天津之事。今歲特然來此。喚咷利赴牛莊。各鋪告以喫酒滋鬧之事。該夷人又出示禁止。不准擅自進莊。山上器具各項俱全。所住房屋。均欲議價。或典或買。均可麥地支搭帳房。亦欲給錢賠。

償。山南平坦之地。又丈量多處。船上帶來梁架板片。均係現成之物。數日間即蓋起十餘座房屋。皆兩層。檐石作木作瓦作。概不用內地之人。半里間設一小營房。巡兵逐日一換。晝夜陰雨。莫敢或離。有偷取物食及越牆取雞。攔阻受傷者。當時發落。給受傷人洋錢四元養傷。且告知大眾。以後有不法者。即擎其帽子為憑。緣帽內各有名字。按帽查冊。毫無遺漏。各等情。該府董步雲。即於初八日。囑令紳士鋪戶等傳知該夷。定期見面。至初十日。據通事李姓云。願意談談。第將軍公事甚忙。明日見否未定。該府當即以到此三日。不能久待。務須該通事轉告。於明日午刻見面。

辰刻先在山下與通事敘談等語。覆知去後。迨該府發稟時。業已成正。尚無回信。不知是何說計。該府等定於十一日辰初往見李通事談畢。即上山見該夷首一俟見後。覆到是何情形。即行飛速馳奏。

諭軍機大臣等。昨因聞夷人於煙臺地方有修築夷館礮臺等事。諭令文煜設法防範。本日據文煜奏。夷人於煙臺砌築馬頭續到夷兵五百名。並稱有馬八百對在後。復有夷人到威海地方。聲稱喚夷船四五十隻。兵萬餘名。即日到彼安營。並據委員董步雲等報。奇山所人張二林為夷人於煙臺地方。豫為蓋屋。並有閩廣人同來。該守現擬往見夷首等語。本日有人奏。夷人到

山東後。有馬隊三千。上騎中空木人。內裝火藥。每日上岸操演。近復募到潮勇五六千人。間日十餘人。或二三十人不等。結伴北行。防堵官兵。毫無覺察。沂州府屬之莒州。不通大路。月內忽有南來人眾數起。皆官兵衣裝。口操粵音。稱係由河南撤防回京。從此經過。並無印文執照。地方官弁。絕不查究。並聞去歲夏間。福山縣知縣余褐。費給該夷海岸數段。索得重價。盡飽私囊。是以本年夷人上岸。支搭帳房。欲蓋夷館。此沿海居民所共知者。請飭該撫查。奏各等語。所奏情形。決非無因。何以該撫毫無聞見。更人到海口者。既有數千人。兼帶有馬匹。其為意圖一逞。已可概見。著文煜即日出省。前赴登萊青一帶。擇要駐紮。籌辦。

防堵。該撫前調馬步各軍尚屬單薄。德楞額軍營馬隊較為得力。如何分撥著。即與德楞額商撥數百名。聽候該撫調遣。其餘本省官兵。如尚有可調之處。並著酌量派撥。該夷如並無滋擾。自宜不動聲色。密為防範。儻圖攻撲城池。或直圖撲天津後路。或即由直省徑奔京師一帶地方。著文煜相機前進。設法堵勦。不得任其橫恣。至潮勇陸續北來。自係欲於津沽左近設伏。俟夷船到時。水陸並發。使我猝難抵禦。著文煜嚴飭各府州縣及自登至直。應行經過地方文武員弁督率兵役嚴密訪查。儻有假作官兵裝束結隊口操粵音。並無印文執照者。立即拏辦。該撫仍派明幹大員前往各屬查察。儻該地方官奉行不力。即予

嚴參委員董步雲等所稟閩廣人告知各鋪不可搬回之言。自屬實情。正可藉此開導各商民勿為夷人所愚。致被搶擄。至民人接濟食物交易錢貨。及甘心催給夷人役使等事。仍著遵照前旨。妥為查禁。該撫身膺疆寄。當此夷情喫緊之時。諒不敢泄。皆從事自干咎戾。其何日出省。及如何辦理之處。均著詳細馳奏。至已革福山縣知縣余枏。如何將海岸數段賣給夷人。以致夷人有可藉口。徑行上岸居住。實屬可惡。即著文煜密速訪查。一經得實。即將該革員拏問。鑑辦不得稍涉徇隱。

欽差大臣科爾沁親王僧格林沁直隸總督恆福奏。咸豐十年五月初九。初十。十五等日。承准軍機大臣字寄。五月初八。初

九十四等日奉

上諭三道並鈔錄薛煥原奏一件均已敬謹聆悉查現在夷人於山東之煙臺等處登岸駐紮與本地商賈互市又於奉天金州洋面停泊夷船多隻續行劫擄商船並往日本國及小呂宋購買馬匹欲用稻草繫草人於馬上用衝頭陣繼以精銳夷兵及填塞天津溝坎購覓板片打造小船意在天津同時並進之用查該夷狡猾異常情形實屬叵測誠如

聖諭該夷詭詐百出不可稍存大意尚宜悉心籌度講求應敵之方現在海口一帶處處溝槽中間隙地今年雨水較多濛

牆以外盡皆泥淖。兩岸亦皆嚴加偵探。設使該夷馬隊果敢登岸抄襲營壘。等。惟有飭令馬隊相機截勦。即使該夷填溝塞濠。豈能盡知大沽營盤左右。有此層層濠溝。況有馬步嚴防。正欲誘其深入。儻喚佛兵船駛至海口。並不能入攔江沙。在外停泊。似有等候講話情形。等恆福即行遵。

旨派員赴該夷船訊其來意。令其前往北塘講話。若該夷不候理諭。徑行闖入攔江沙內。是狂悖之形已露。等亦不敢坐失機宜。不得不以大器抵禦。刻下直隸沿海口岸。雖節經探報。並未見有夷船帆影。等惟有恪遵

諭旨傳知各營將士並飭令西凌阿增慶等一體嚴密防範沿海一帶妥為偵探以期仰副

皇上訓示諄諄慎重海防之至意

諭軍機大臣等前因夷人在煙臺地方占房蓋屋金州海口到有夷船六十餘隻並於外洋購買馬匹廣東購買稻草木板等物迭經諭令僧格林沁等加意嚴防不可掉以輕心本日據僧格林沁等奏偵探防守情形一摺據稱海口一帶處處溝槽今年雨水較多濠牆外盡皆泥淖該夷即欲填溝塞濠亦不能盡知大沽營盤虛實且正欲誘其深入現已傳知各營並飭令西凌阿增慶等嚴密防範及沿海一帶妥為偵探各等語所籌尚屬

周密。本日又據文煜奏。夷人到煙臺後。續載來牛三四十隻。上岸牧放。並搬取亂石砌海岸馬頭。又駛來大船二隻。載有夷兵五百。威海汎地方。到來輪船一隻。有夷人十餘名。聲稱。嘆國有兵船四五十隻。約兵萬餘。五七日內即到威海。煙臺街上。夷人往來約八九十。據通事云。大將軍在後。尚有馬八百對。二將軍亞蒙先來。祇為去歲天津之事。各等語。又本日有人奏。夷船泊福山海口。有馬隊三千。上騎中空木人。內裝火藥。每日上岸操演。復聞募到潮勇約五六千人。間日十餘合。或二三十人不等。結伴北行。文煜所派防堵兵五百名。毫無覺察。又沂州府屬之莒州。不通大路。月內忽有南來人眾數起。皆官兵衣裝。口操粵

音稱係由河南撤防回京。並無印文執照。該地方官員亦不根究查詢。任聽行走各等語。各夷陸續脣聚煙臺。且有欲來威海繁營之說。無非欲覬覦津沽。該夷知防禦嚴密。不敢輕犯。難保不為潛師陸路之謀。若先以潮勇嘗試。繼以馬隊徐來。更欲我水陸兼防。伺隙思逞。居心實不可問。已諭文煜飭令山東地方官認真盤問。加意嚴防。著恆福嚴飭直隸山東交界過往必經之州縣及通京城大路所屬州縣一體嚴密盤查。如有似此情形者。即行嚴拏懲辦。不可稍有疏虞。致令偷越。以杜奸謀。僧格林沁既設有偵探。亦當飭令於沿海及陸路一帶。實力稽查。不可稍涉大意。文煜摺並著鈔給閱看。